

毛
詩
異
文
箋

毛詩異文箋卷八

鹽城陳玉樹

疊疊文王 疊疊申伯 勉勉我王

大雅文王篇疊疊文王傳疊疊勉也崧高疊疊申伯箋疊疊勉也案疊卽勉之假音械樸勉勉我王韓詩外傳五作疊疊文王荀子富國篇春秋緜露三綱六紀篇引詩竝作疊疊我王此疊勉字通之證文選左太沖吳都賦清流疊疊注引韓詩疊疊水流進貌段玉裁謂卽新臺河水浼浼之異文疊之通作浼猶疊之通作勉矣疊古讀如門勉从免聲禮記檀弓釋文內則釋文皆云免音問說文問从門聲此疊勉音近之證說文無疊昔人謂卽媿字近儒謂卽

釁字

凡周之士 則無應仕 維曰于仕

凡周之士不顯亦世傳云不世顯德乎士者世祿也案毛以士者釋經之士蓋讀士爲仕士者世祿卽孟子仕者世祿也正義及考文古本竝作仕者世祿節南山則無應仕兩無止維曰于仕仕正字士借字士借爲仕仕亦借爲士四月箋之仕事卽褰裳傳之士事也

說見盡齊以仕下

於緝熙敬止 維清緝熙 於緝熙 俾緝熙于純嘏

學有緝熙于光明 熠燿宵行 熠燿其羽

於緝熙敬止傳緝熙光明也昊天有成命篇於緝熙傳緝

明也維清載見敬之之緝熙箋竝訓爲光明案緝乃熠之
段音說文熠盛光也字林熠光盛也東山熠燿宵行正義
曰熠燿者螢火之蟲飛而有光之貌熠燿其羽箋云羽鮮
明也緝熠燿韻文選束皙補亡詩輯輯和風注引毛詩習
習谷風云輯與習同緝之通作熠猶輯之通作習矣爾雅
釋詁緝光也亦段借字說文緝績也行葦箋緝猶績也此
緝之本義也

假哉天命 亦孔之固 受命既固

假哉天命傳假固也案此謂段借固與天保定爾亦孔之
固天立厥配受命既固之固同義假與固古字通用釋詁

假已也思齊正義引作瑕已史記宋世家十二諸侯年表

宋其公瑕春秋瑕作固

成十六年宋公固卒

是假瑕固竝通用段聲

古聲古同部唐韻正三十五馬假音古九麻瑕遐皆音胡表記引詩瑕不謂矣注瑕之言胡也械樸遐不作人潛夫論德化篇作胡不作人遐之通作胡猶假之通固矣

宜昭義問

既順迺宜

秉心宜猶

宜哲維人

其

下侯旬

來旬來宜

宜昭義問箋云宜徧公劉既順迺宜傳云宜徧柔秉心宜猶江漢來旬來宜雖宜哲維人箋竝曰宜徧也宜徧釋言文案說文山部宜天子宣室也宜無徧義訓徧者旬之

段借字也說文旬徧也十日爲旬桑柔其下侯旬傳旬言
陰均也正義曰釋言云旬均也李巡曰洵徧之均也江漢
來旬來宣傳旬徧也說文玉部珣醫無閭之珣玠璣周書
所謂夷玉也从王旬聲一日玉器讀若宣段玉裁曰爾雅
璧大六尺謂之宣郊祀志有司奉瑄玉詛楚文設用吉王
宣璧皆卽珣字說文新附攷曰瑄通作宣亦作珣

瑄俗字

旬之通作宣亦猶珣之通作宣與瑄矣

珣正字
宣借字

宣昭義問 無非無儀 儀式荆文王之典

宣昭義問傳義善釋文義毛音儀正義曰義善釋詁文案
今釋詁作儀善小雅斯干無非無儀箋云儀善周頌我將

儀式荆文王之典傳儀善義儀古今字尸鳩其儀一兮箋
云儀義也楚茨禮儀卒度韓詩外傳四作禮義卒度書文
侯之命父義和鄭注義讀爲儀周禮肆師治其禮儀以佐
宗伯注故書儀爲義鄭司農云義讀爲儀古者書儀但爲
義今書所謂義古書爲誼大司徒注小宗伯注故書儀爲
義典命注故書儀作義春秋隱元年邾儀父漢書鄒陽傳
作義父師古曰義讀曰儀楊信碑追念義荆卽儀荆呂氏
春秋閔閔有臣文之儀墨子作文義號叔大林鍾銘威儀
作威義禮記樂記制之禮義漢書禮樂志義作儀

宣昭義問 令聞不已

宣昭義問正義釋毛云常布其善聲問於天下案義問卽
第二章之令聞義與令皆善也問聞古字通聲聲文王令
聞不已墨子明鬼下篇作令問不已江漢令聞不已北堂
書鈔帝王部七作令問不已卷阿令聞令望釋文聞音聞
本亦作問荀子正名篇爾雅釋詁疏文選王融曲水詩注
史孝山出師頌注引詩竝作令問令望文王有聲箋行令
聞之聲者釋文聞本亦作問左氏襄三十一年傳令聞長
世釋文問本亦作問文選景福殿賦注引作令問長世論
語回也問一以知十釋文聞如字本或作問說文問與問
皆从門聲聲同故字通也

天難忱斯 其命匪謚

大明天難忱斯傳忱信也蕩其命匪謚傳謚誠也箋云其
教道之非當以誠信使之忠厚乎案說文謚誠諦也从言
甚聲詩曰天難謚斯忱誠也从心尤聲詩曰其命匪忱與
詩字互易漢書貢禹傳後漢書胡廣傳春秋繁露天地陰
陽篇潛夫論上列篇續漢書律厯志論引詩竝作天難謚
斯書大誥天棐忱辭漢書孔光傳及敘傳注竝作天棐謚
辭康誥天畏棐忱釋詁注作天威匪謚釋文謚今作忱風
俗通十反篇書曰天威棐謚文選班固幽通賦實棐謚而
相訓注謚與忱古字通謚又作訖韓詩作天難訖斯說文

燕代東齊謂信曰說釋詁注引方言燕代東齊曰謹廣韻
二十一侵謹誠也爾雅云信也懋說忱竝同

大任有身 載震載夙

大任有身傳身重也箋云重謂懷孕也釋文重直勇反又
直龍反正義云以身中復有一身故言重案釋文正義皆
誤重乃動之省文一切經音義卷一引詩大任有娠卷八
引詩傳曰娠動也謂懷胎孕名也字正作動則重卽動字
明矣身與娠通娠又與震通生民載震載夙傳震動箋云
於是遂有身而肅戒不復御大明傳之身重卽生民傳之
震動淮南子精神訓文子九守篇廣雅釋親竝云八月而

動九月而躁十月而生動以懷妊八月言也身與震皆娠
之借字說文女部娠女妊身動也漢書高帝紀已而有娠
孟康曰娠音身漢史身多作娠古今字也應劭曰娠動懷
妊之意左傳曰邑姜方娠今左傳作方震釋文震本又作
娠之慎反又音申又生民正義及爾雅釋詁疏引左傳后
緡方震今左傳作方娠釋文娠音震又音身月令注天子
所御謂今有娠者釋文娠音身一音震謂懷妊是娠震身
字竝通用

其德不回 求福不回 徐方不回 則具是違

其德不回傳回違也旱麓求福不回箋云不回者不違先

王之道常武徐方不回箋云回猶違也案回卽違之段借
違背也小韻則具是違箋云謀之善者俱背違之書堯典
靜言庸違左氏文十八年傳吳志陸抗傳作靖譖庸回論
衡明暗篇作靖言庸回左氏昭二十六年傳君無違德論
衡作回德集韻十五灰回古作違韋此回違字通之證違
背字當作韋說文章相背也从舛口聲羣經音辨韋違行
也音回爾雅釋訓釋文洄沈音回郭音韋

有命既集 就其深矣 就其淺矣 言就爾居 言
就爾宿 以就口食 三事就緒 將予就之

有命既集傳集就案此依就之就與就其深矣就其淺矣

言就爾居言就爾宿以就口食三事就緒將子就之之就
同集就古字通小韻是用不集韓詩外傳作是用不就書
顧命用克達殷集大命漢石經集作就大戴禮眾則集寡
則謬吳越春秋同病相憐同憂相救驚翔之鳥相隨而集
灑下之水回復俱留集與謬韻與救留韻俱讀若就周書
證法就會也俞氏樾讀就爲集引爾雅釋言集會也爲證
矢于牧野 無矢我陵 以矢其音 矢詩不多 矢
其文德 有母之尸饔
矢于牧野傳矢陳也依說文當作陳皇矣無矢我陵卷阿以矢其
音傳竝曰矢陳也矢詩不多箋矢陳也江漢矢其文德傳

矢施正義謂施陳文德案說文矢弓弩矢也此本義訓陳
乃借義其本字當作尸爾雅說文並曰尸陳也祈父有母
之尸穢傳尸陳也左氏桓十五年傳尸諸周氏之汪淮南
子俶眞訓注尸作矢此矢尸字通之證合尸矢爲一字則
爲戾爾雅釋詁矢陳也釋文矢作戾廣雅戾陳也玉篇尸
部戾式視切與矢同說文廣雅並無戾

古公賁父 不寔故也 維子之故

緜古公賁父傳古言久也案久卽舊也古卽故也書無逸
舊勞于外舊爲小人史記魯世家舊作久此舊久字通之
證烝民古訓是式傳云古故

此讀古爲故也古訓卽故訓
故訓卽詁訓爾雅釋詁李樊

本作釋故毛詩詁訓傳漢書藝文志作故訓傳又有齊故韓故魯故

列女傳賢明篇作故訓

是式經義知新記曰孔子三朝記爾雅以觀於古古卽詁也亦作故說苑奉使篇詩無通故是也此古故字通之證正義曰古公猶言先王先公其說是也又云古公言其年世久古其說非也鄭風遵大路不庭故也箋云我乃以莊公不速於先君之道故之爲先君猶古公之爲先公也唐風羔裘維子之故箋云乃念子故舊之人故之爲舊猶古之爲久也古古文故今文箋云古公據文王本其祖也蓋亦以古公爲先公趙岐孟子章句謂大王號稱古公朱子孟子集注云古公大王之本號史記周本紀古公凡十一

見大史公意亦以古公爲大王本號不如毛說爲當崔述
豐鎬考信錄謂公與父相連成文特臆說耳

來朝走馬 左右趣之

來朝走馬箋云來朝走馬言其避惡早且疾案箋以早釋
來朝以疾釋走走當爲趣之段借說文走部趣疾也棧樸
左右趣之箋云左右之諸臣皆促疾於事亦訓趣爲疾玉
篇走部引詩正作來朝趣馬史記季布傳乃提趣湯徐廣
曰趣一作走是走趣字通

迺慰迺止迺左迺右迺疆迺理迺宣迺畝 迺召司空

迺召司徒 迺立皋門 迺立應門 迺立冢土

迺場迺疆迺積迺倉迺衰餼糧 既順迺宜 迺陟南

岡迺觀于京 既登迺依迺造其曹 既景迺岡 止

基迺理 止旅迺密 乃如之人兮

乃字絲公劉兩篇唐石經俱作迺

宋本乃迺禠見餘皆作乃抑風

日月乃如之人兮其首見也案乃正字迺借字乃說文作

乃云曳詞之難也象氣之難出也迺說文作𠃉云驚詞也

从乃省𠃉聲或曰𠃉往也讀若仍迺乃本非一字經典多

段迺爲乃釋詁迺乃也亦謂段借廣雅乃往也則又借乃

爲迺矣迺讀爲仍仍从乃聲乃古亦讀若仍周禮司凡筮

凶事仍凡注故書仍爲乃鄭司農注乃讀爲仍是也廣韻

十五海乃語辭也汝也奴海切迺古文列子湯問篇釋文
迺古乃字

度之薨薨 爰究爰度 度其隰原 度其夕陽 其

究安宅 此維與宅 宅是鎬京 定申伯之宅 遂

荒徐宅 宅殷士芒芒

度之薨薨傳度居也皇矣爰究爰度傳度居也公劉度其
隰原度其夕陽正義曰皇矣傳以度爲居此章之度傳意
亦應爲居友人姜汝濟謂度訓居迺土之段借白土沮漆
傳土居也漢書地理志注作自杜漆沮書費誓杜乃獲釋
文杜本又作敷周禮雍氏注作敷乃獲土之通作度猶杜

之通作敷矣周禮典瑞封國則以土地注土地猶度地大
司徒以土圭土其地注土其地猶言度其地土方氏以土
地相宅注土地猶度地土之借爲度猶度之借爲土矣玉
樹案上者人所居故土訓居字者人所宇故宇訓居宅者
人所居故宅訓居宅度字通經典甚眾不必讀度爲土鴻
鴈其究安宅皇矣此維與宅文王有聲宅是鎬京崧高定
中伯之宅闕宮遂荒徐宅元鳥宅般土芒芒傳箋並訓宅
爲居宅古音度故度借爲宅此維與宅論衡初京篇作此
維予度宅是鎬京禮記坊記作度是鎬京書堯典宅西曰
昧谷周禮縫人注作度西曰柳穀五流有宅史記五帝紀

作五流有度禹貢是降北宅土風俗通山澤篇作民乃降
北度土三危既宅夏本紀作三危既度立政文王惟克厥
宅心漢石經宅作度顧命恤宅宗後漢班固傳及章懷注
班固典引及蔡邕注竝作恤度宗漢書韋元成傳先后茲
度漣漣孔懷臣瓚曰古文宅度同集均十一暮度或作庀
宅二十陌宅或作度

削屢馮馮 式居婁驕

削屢馮馮傳云削牆鍛屢之聲馮馮然案鍛謂椎之屢謂
斂之椎之卽以斂之使之堅實也蒼頡篇鍛椎也說文作
段云椎物也古無屢字當作婁角弓式居婁驕箋婁斂也

荀子非相篇引詩作式居屢驕

迺立冢土 以社以方

迺立冢土傳冢土大社也先君曰社字古止作土亦讀若
土傳以今字釋古字也甫田以社以方傳社后土也社木
后土加示於其旁作社猶方爲四方加示於其旁作社白
虎通曰社不謂之土何變名爲社別於眾土也漢書郊祀
志社者土也敘傳見危授命誼動明主布歷燕齊叔亦相
魯民息其政或金或社社與主魯韻正讀若土商頌宅殷
土芒芒史記三代世表褚先生引詩作殷社芒芒土之增
爲社猶社之省爲土矣左傳昭二十二年前城人敗陸渑

於社釋文社或作杜杜亦與土通如桑土亦作桑杜相土亦作相杜是也

柞械拔矣 實發實秀

柞械拔矣箋云今以柞械生柯葉之時使大夫將師旅出聘問其行道士眾兌然不有征伐之意案鄭以生柯葉釋經之拔蓋讀拔爲發發生也生民實發實秀傳發盡發也箋云發發管時也正義釋發爲生淮南子主術訓是故草木之發若蒸氣高誘注亦訓發爲生拔與發古字通用禮記檀弓下公叔文子卒注文子衛獻公之孫名拔一作發世本作文子拔左傳作公叔發岷鮪鮪發發說文作鮪鮪

𧈧𧈧七月一之日威發說文作燁𧈧荀子引詩武王載發
說文引詩作載坂說文巾部𧈧讀若撥鳥部𧈧讀若撥爾
雅釋蟲𧈧𧈧考工記梓人注作發皇玉篇衣部𧈧重文作
𧈧𧈧發𧈧謂十月颶訓疾風與發同方伐切卽匪風發兮飄風
發發之發

行道兌矣 大風有隧 舒而脫脫兮

行道兌矣傳兌成蹊也案左氏宣十一年傳牽牛以蹊人
之田注蹊徑也後漢書張衡傳不識蹊之所由注蹊路也
廣雅釋室蹊道也漢書李廣蘇建傳贊下自成蹊注蹊謂
徑道也兌訓成蹊蓋遂之段借說文遂邑中道也柔柔大

風有隧傳隧道也隧爲遂之俗初學記天部引詩作大風
有遂檀弓齊莊公襲莒於奪注隧奪聲相近或爲兌此隧
兌字通之證衛風碩人說于農郊箋說當爲禊史記酈陸
列傳乃奉百金往稅集解引韋昭曰衣服曰稅稅當爲禊
兌之通作隧亦猶說稅之通作禊矣箋云其行道士眾脫
然不有征伐之意釋文脫通外反本亦作兌正義本作兌
野有死麕傳脫脫舒遲也箋意以行道兌矣爲行道舒遲
校勘記曰箋以兌爲脫之段借直於訓釋中改用脫字以
顯之其不云讀爲者省文之例每如此也當以釋文本爲
長爾雅釋草釋文兌字或作脫兌之作脫猶兌之作脫矣

予曰有奔奏 駿奔走在廟

予曰有奔奏箋云奔奏使人歸趨之釋文作本奏云本本亦作奔奏本亦作走正義本作奔走周頌清廟駿奔走在廟奔走正字本奏借字走字有奏音故奏借爲走左氏襄二十三年傳奉君以走固宮釋文走如字一音奏史記商君傳走商邑索隱曰走音奏走向也蒙恬傳北走琅邪索隱曰走音奏猶向也張釋之傳此走卽鄆道也如淳曰走音奏趨也

追琢其章 敦琢其旅

棫樸追琢其章傳追彫也金曰彫玉曰琢箋云周禮追師

掌追衡筭則追亦治玉也釋文追對回反案追當讀彫荀子富國篇引詩彫琢其章毛用師說故讀追爲彫此與皇匡甲狎例同說苑引詩亦作彫琢其章天官序官追師注治玉石之名釋文追丁回反一曰雕雕彫字通說文作琬周頌有客敦琢其旅正義曰敦琢治玉之名敦彫古今字釋文敦都回反徐又音彫蓋敦琢之爲彫琢猶敦弓之爲彫弓也追琢敦琢皆卽彫琢追敦彫一聲之轉

烈假不瑕 胡然厲矣 以謹醜厲 誰生厲階 降此大厲

思齊烈假不瑕箋云烈假皆病也瑕已也釋文烈鄭作厲

力世反又音賴正義曰鄭讀烈假為厲瘕故云皆病也說文云厲惡疾也說文作癩或作癩瘕病也是厲瘕皆為病之義

也案正月胡然厲矣傳厲惡也厲與結滅威韻正是烈音

民勞厲韻敗大瞻印厲韻瘵厲正是賴音毛傳竝曰厲惡

也桑柔誰生厲階傳亦曰厲惡也訓惡與訓病是一義烈

與厲古通用唐公房碑作厲蠱不取集韻十四秦作厲假

不取禮記祭法厲山氏魯語作烈山氏莊子齊物論厲風

卽烈風周禮厲禁皆卽遮迺之迺公羊傳大痢卽大癩廣

韻十三祭癩重文作痢癩重文作駟痢重文作穉

烈假不瑕 德音不瑕

箋訓假爲病讀假爲取訓瑕爲已讀瑕爲假狼跋德音不
瑕傳瑕過也箋云不瑕言不可疵瑕也正義曰瑕者玉之
病玉之有瑕如人之有過故以爲過箋言無可疵瑕者亦
是玉病言周公終始皆善爲無疵瑕也此訓病之假當作
瑕也釋詁假已也曲禮天王登假鄭注假已也此訓已之
瑕當作假也莊十四年左傳傳瑕單行本史記鄭世家索
隱作甫假漢書古今人表公肩瑕師古曰卽公肩假是瑕
假古字通用正義謂鄭讀假爲瑕說文瑕爲女病素問所
謂血凝爲瘕也六經無瘕字孔說非是

烈假不瑕 湯孫奏假 廢假無言 錫爾純嘏 純

嘏爾常矣 伊嘏文王 俾緝熙于純嘏 天錫公純

嘏 於我乎夏屋渠渠 不長夏以革 肆于時夏

烈假不瑕傳烈業假大也正義釋毛云王之功業廣大豈
不長遠乎商頌那湯孫奏假烈祖饗假無言傳竝曰假大
也案假乃嘏之借字郊特牲嘏大也說文古部嘏大遠也
釋詁注引詩作湯孫奏嘏左氏昭二十年傳引詩作饗嘏
無言賓之初筵錫爾純嘏卷阿純嘏爾常矣傳竝曰嘏大
也禮記曾子問不旅不假注假讀爲嘏禮運祝嘏辭說釋
文嘏本或作假士冠禮宜之于假菽文類聚禮部通典禮
十九竝引作宜之于嘏尙書大傳漢書律厯志竝曰夏假

也廣雅釋言作夏假是假假古字通用我將伊假文王箋云受福曰假釋文假古雅反毛大也正義曰毛於假字皆訓爲大此假亦爲大也此說是也載見俾緝熙于純假閔宮天錫公純假假字毛意俱當訓大正義以箋義申毛非是興化孫王鉞謂假訓大乃夏之假音秦風於我乎夏屋渠渠大雅不長夏以革周頌肆于時夏傳竝訓夏爲大尙書天惟五年須夏之子孫皇矣箋作須假漢書高帝紀發兵拒之陽夏鄭氏曰夏音假借之假是夏假字通之證方言凡物之壯大者謂之夏周鄭之間謂之假詩以假爲夏亦周人之方言也

古之人無斃 擇三有事 擇有車馬

古之人無斃傳訓斃爲厭箋改斃爲擇云古之人謂明王也口無擇言身無擇行以身化其臣下故令此士皆有名譽於天下成其俊乂之美也案呂東萊讀詩記引董氏道云韓詩作古之人無擇康成先從張恭祖通韓詩箋毛詩亦閒取韓說毛作斃而韓作擇者擇與斃皆畢聲也毛詩擇字兩見十月之交擇三有事擇有車馬

其政不獲 正是四國 正是國人 喲喲其正 釋

怨其正 今茲之正 正大夫離居 正域彼四方

皇矣其政不獲釋文政如字政政教也鄭作正正長也口

鳩正是四國正是國人斯干噲噲其正節南山覆怨其正
正月今茲之正雨無正正大夫離居兮鳥正域彼四方傳
箋竝曰正長也案正與政古字通節南山不自爲政禮記
緇衣作不自爲正詩大序正得失釋文正本又作政書甘
誓御非其馬之正史記夏本紀正作政湯誓舍我稽事而
割正殷本紀正作政周禮燧人掌沐正注故書正爲政禮
記深衣以直其政注政或爲正月令班馬政呂氏春秋仲
夏紀政作正左氏文六年傳棄時政也漢書律厯志政作
正史記秦始皇本紀始皇名政徐廣曰政一作正說文支
部政从支正亦聲

此維與宅 何以予之 何錫予之雖無予之 又何
予之 天子所予 維予侯興 降予卿士 勿予禍
適

乃眷西顧此維與宅箋云乃眷然運視西顧見文王之德
而與之居案與乃予之段借說文與黨與也从昇从与予
推予也象相予之形漢書郊祀志谷永傳正作此維與宅
于旄何以予之采菽何錫予之雖無予之又何予之天子
所予大明維予侯興長發降予卿士殷武勿予禍適予皆
推予之子非予我之子予今文與古文何以予之論衡率
性作何以與之何錫予之白虎通考黜作何錫與之楚茨

傳賈子也釋文正義子作與曲禮上生與來日注與或爲
子左氏定十年傳朱其尾鬣以與之漢書五行志與作子
論語抑與之與隸釋載漢石經作意子之與君孰與足谷
永傳作君孰子足荀子成相篇賢者子注子讀爲與大略
篇然而有所共子也注子讀爲與

作之屏之 載芟載柞

作之屏之傳箋於作字無訓正義云攻作之蒙案作當讀
爲柞攻卽柞氏掌攻草木之攻周頌載芟載柞傳除草曰
芟除木曰柞正義引秋官柞氏掌攻草木及林麓作卽柞
之借字故以攻釋之漢書宣帝紀往來長楊五柞宮師古

日柞字或作柞音同司馬相如傳振師五柞習馬長楊師古曰柞與柞同燕刺王旦傳待詔五柞宮師古曰柞讀與柞同作之屏之作卽柞字之省

其替其翳 殪此大兕

其菑其翳傳木立死曰菑自斃曰翳案翳爲殪之段借吉日殪此大兕傳殪一發而死翳訓斃與殪訓死義同韓詩正作其菑其殪文選張景陽禠詩翳翳結繁雲注引毛詩曠曠其陰云翳與曠古字通翳之通作曠猶翳之通作殪矣釋名殪翳也就隱翳也

申夷載路 射則貫兮 混夷駢矣

串夷載路傳串習夷常路大也釋文串古患反本又作患
齊風猗嗟射則貫兮箋貫習也釋文貫古患反案串貫皆
損之段借說文損習也又作遺說文亦云習也玉篇一部
串古患切習也或爲慣遺是部遺古患切習也亦作串一
切經音義卷九卷十七串古文損遺二形卷十八慣又作
串損遺三形同古患反華嚴經音義一慣古患反鄭箋詩
曰慣習也字宜从才或有作串者爾雅串貫竝訓習亦猶
崇尙竝訓高遏曷竝訓止貉莫竝訓定隕碩竝訓落字異
而音義則同箋云串夷卽混夷西戎國名也釋文混音昆
絲混夷駮矣釋文混音昆孟子大王事昆夷字作昆串與

貫通貫與昆通釋名昆貫也禹貢瑤琨漢書地理志作瑤
瑣韋昭瑣音貫說文玉部琨正文作瑣惠棟詩經古義曰
一說說文無串字古患字作患爾乃古貫字晉姜鼎云令
俾聿通楊南仲訓爲毋與貫同棟案明堂位云崇鼎貫鼎
大璜封父龜鄭氏云崇貫封父皆國名貫與昆同物同音
故縣詩謂之混皇矣詩謂之串尚書大傳云文王受命四
年伐犬夷六年伐崇鄭注云犬夷混夷也皇矣伐崇之詩
時混夷已平故云載路崇鼎貫鼎皆伐二國時所得之寶
故與封父同稱則串夷之爲貫無疑矣

串夷載路 靡有夷屆 靡有夷瘳 民之秉彝

巾夷載路傳夷常瞻印靡有夷屆傳夷常箋云爲之無常亦無止息靡有夷瘳箋云爲之亦無常無止息正義曰夷常釋詁文彼夷作彝音義同烝民民之秉彝傳彝常正義本作夷云夷常釋詁文孟子引詩作民之秉彝趙注夷常也潛夫論引詩亦作秉夷案說文夷平也東夷之人也彝宗廟常器也夷訓常乃彝之段借誓洪範是彝是訓史記宋微子世家作是夷是訓明堂位夏后氏以雞夷注夷讀爲彝周禮司尊彝注引作雞彝夷狄字亦段彝爲之魏元丕碑彝戎賓服

帝省其山 度其鮮原

帝省其山箋省善也案省乃鮮之段借鮮本魚名乃味之美善者故引伸之又訓善弟六章度其鮮原箋云鮮善也新臺籛籛不鮮北山鮮我方將車牽鮮我觀爾箋竝曰鮮善也釋文鮮息淺反禮玉藻唯君有黼裘以誓省釋文省依注作獮息淺反明堂位秋省釋文省讀爲獮仙淺反史記魯世家索隱字或作鮮或作獮是省鮮獮竝通用字之通段存虛聲省與鮮同息淺反故相通也

柞械斯拔 臨衝蕪蕪

柞械斯拔箋云天既顧文王乃和其國之風雨使其山木茂盛正義曰柞械拔然而茂盛案說文拔擢也拔無茂盛

之義鄭云茂盛者蓋以拔爲弗之段借弟八章臨衝弗弗

傳弗弗彊盛也廣雅釋訓弗弗茂也王氏疏證云爾雅覲

柔弗離也郭璞注謂草木之蔥蘢翳蒼是弗爲茂也說文

多草不可行从草弗聲草多卽是茂盛重言之則曰弗弗弗聲反聲之字古

通用易旣濟六二婦喪其茀荀爽本作紱文選曹子建賈

躬詩要我朱紱注毛詩曰朱茀斯皇茀與紱同樂游應詔

詩注云蔽與茀古字通生民以茀無子箋茀之言蔽也御

覽五百二十九引鄭記作以蔽無子卷阿茀祿爾康矣爾

雅釋詁注作祓祿康矣爾雅釋水紉纒維之釋文紉又作

紱莊子天運孰居無事而披拂釋文拂司馬本作斐此拔

與弗通之證

因心則友 瑣瑣姻亞

因心則友傳因親也案因乃姻之段借節南山瑣瑣姻亞正義曰瑣瑣然昏姻親亞之小人言親而不賢又云戒王勿厚任親戚是姻爲親也正義釋傳云周禮六行其四曰姻往云姻親於外親是因得爲親孔冲遠亦以因爲姻之借字我行其野不思舊姻白虎通嫁娶作不惟舊因論語因不失其親集解引孔曰因親也說文繫傳通論作如不失其親南史王元規曰姻不失親唐張說碑同左氏襄四年傳伯因史記夏本紀正義引世紀作伯姻

載錫之光 四牡脩廣 於薦廣牡

載錫之光傳光大也案光乃廣之假借說文廣殿之大屋也六月四牡脩廣雖於薦廣牡傳竝曰廣大也敬之學有緝熙於光明傳光廣也正謂假借昊天有成命傳熙廣也箋云廣當爲光是廣與光通水經注濟水篇今防門北有光里齊人言廣音與光同卽春秋所謂守之廣里者也書堯典光被四表魏志文帝紀注引獻帝傳曰廣被四表漢成陽靈臺碑曰爰生聖堯名蓋世兮廣被之恩流荒外兮廣被卽光被經傳考證帝光天之下光與廣同穀梁僖十五年傳故德厚者流光光與廣同易義述聞曰易象傳知

光大也以光大也未光大也施未光也道未光也中未光也志未光也光卽廣也光大卽廣大也爾雅釋獸回毛在

背闕廣釋文廣音光皆其證說文角部觥从角黃聲

廣从黃

聲

俗作觥系部續或作統廣韻十一唐轅重文作軌左氏

經襄二十年陳侯之弟黃殺梁黃作光江漢武夫泚泚鹽

鐵論作武夫潢潢釋訓泚泚赴赴武也舍人本作橫橫釋

言泚充也鄭注禮記樂記孔子閒居皆云橫充也

說見爾雅校勘

記說文黃地之色也从山从萑萑亦聲萑古文光亦其例

貊其德音 君婦莫莫

貊其德音傳貊靜也箋云德正應和曰貊釋文貊作貉云

本作𧢲正義曰左傳樂記韓詩𧢲皆作莫釋詁云𧢲莫定也郭璞曰皆靜定也義皆爲定聲又相近讀非一師故字異也案說文有𧢲無𧢲𧢲訓北方豸種卽韓奕追𧢲之𧢲𧢲其德音𧢲乃莫之段借史記樂書引詩亦作莫其德音楚茨君婦莫莫傳莫莫清靜而敬至也本詩求民之莫版民之莫矣傳竝曰莫定也定亦靜也莫通作寘文選西征賦注引韓詩章句寘靜也又作嘖說文嘖嘖也玉篇嘖靜也莫說文作𧢲且冥也卽今朝暮字萬物至莫皆靜故引伸之訓靜訓定嘖寘暮皆後出之字荀子非十二子篇莫莫然楊倞注莫讀爲𧢲𧢲靜也楊不知莫爲正字

三ノ
三
貊爲借字說故若此

王此大邦 有皇上帝 皇尸載起 獻之皇祖 無

忝皇祖 繼序其皇之 假哉皇考 思皇多詒 於

皇武王 於乎皇考 念茲皇祖 於乎皇王 休矣

皇考 皇以問之 於皇時周 皇祖后稷

王此大邦箋云王君也案王與皇古字通正月有皇上帝
傳皇君也楚茨皇尸載起信南山獻之皇祖烈文繼序其
皇之載見思皇多詒武於皇武王桓皇以問之般於皇時
周箋竝曰皇君也瞻卬無忝皇祖正義云無是辱汝君祖
雖假哉皇考箋云嘉哉君考相臺本 閔予小子於乎皇考箋

云於乎我君考念茲皇祖箋云念此君祖於乎皇王箋云
於乎君王訪落休矣皇考箋云美矣我君考闕宮皇祖后
稷箋云君祖后稷說文皇大也从自自始也始皇者三皇
大君也儀禮聘禮記賓入門皇注古文皇皆作王書洪範
皇極之敷言史記宋微子世家作王極之傳言莊子天運
三王五帝之治天下釋文本或作三皇破斧四國是皇傳
皇匡也法言先知作四國是王注王匡也春秋錄露深察
名號篇王者皇也

無然畔援 伴奭爾游矣 繼猶判渙

無然畔援箋云畔援猶跋扈也案卷阿伴奭爾游矣箋云

伴奠自縱弛之意縱弛與跋扈義近訪落繼猶判渙傳判
分渙散分散與縱弛義近美惡不嫌同詞卷阿釋文件音
判徐音畔是伴判畔字通之證漢書敘傳項氏畔換黜我
巴漢師古曰畔換強恣之貌猶言跋扈也詩大雅皇矣篇
曰無然畔換文選魏都賦曰雲徹叛換劉淵林注叛換猶
恣睢也皆本鄭箋爲說玉篇引詩作無然伴換左氏襄二
十七年經陳孔奐公羊作孔瑗釋文孔瑗二傳作孔奐鵬
冠子武靈王篇武靈王問龐煥陸佃注煥一作煖援之通
作奐與渙亦猶援之通作換瑗之通作奐煖之通作煥矣
侵阮徂其 侵白阮疆 度其鮮原

侵阮徂其傳云密須氏侵阮遂往侵其正義云毛以徂爲
往故云遂往侵其以阮其爲周地爲密須所侵箋以阮徂
其爲三國義本魯詩王肅孔晁孫毓力排鄭說張融又護
鄭而攻晁羣議紛呶訖無定論玉樹案此章分三段讀韻
亦三易帝謂文王無然昨援無然歆羨誕先登于岸援羨
岸爲一韻密人不恭敢距大邦邦古讀如封侵阮徂其恭邦其
爲一韻王赫斯怒爰整其旅以過徂旅以篤周祜以對于
天下音戶怒旅旅祜下爲一韻敢距大邦二句承上密人不
恭而言卽不恭之皐狀也爰整其旅承上王赫斯怒而言
卽赫怒之情事也以篤周祜二語則又因其出師有功而

頌美之也條理本極分明箋以侵阮徂共連下二句讀屬
之文王音韻既乖且先言侵而後言赫怒整旅亦且語無
倫次不如毛以侵阮徂共屬之密人于文義爲順也共卽
涇州北五里之共池見方輿紀要阮卽度其鮮原之原漢
書地理志五原郡廣韻二十二元引史記作五阮郡說文
自部阮代郡五阮關也漢志代郡下作五阮關是原與阮
古字通用阮邑受密人侵擾故度地築城扼其衝要毛詩
用字例不盡一或作阮或作原一而已矣阮之通作原亦
猶說文榮蜺爾雅方言作蠨蠨爾雅釋蟲音義
蠨蠨字林作蜺春秋鄭伯
鬲頑公穀作鬲原也

以按徂旅 無遏爾躬 式遏寇虐 勝殷遏劉

以按徂旅傳按止也釋文按安且反本又作遏安葛反文
王無遏爾躬民勞式遏寇虐武勝殷遏劉傳箋竝曰遏止
也案說文按下也遏微止也遏正字按借字孟子引詩作
以遏徂莒毛詩稽古篇云按字竝無遏音韻會始收按字
入七曷韻朱傳按亦音遏豈宋世有此俗音乎玉樹案此
說非也凡字之相通者非聲同卽聲近非聲近卽聲轉未
有音不相涉而字可互通者也集傳按音遏據詩釋文與
孟子不誤說文頁部類鼻莖也从頁安聲或从鼻曷聲作
闕徐音烏割切山海經邊春之山有獸名幽鷄郭注鷄音

邊廣韻十二曷烏割切紐內有胛字注云肉敗臭論語作
餽又有𦉳字類鶴胛𦉳可音過按字何獨不可音過

度其鮮原 陟則在獻 斧以斯之 無獨斯畏

度其鮮原傳云小山別大山爲鮮案爾雅釋山小山別大
山鮮釋名作獻公劉陟則在獻傳獻小山別於大山也禮
記月令天子乃鮮羔開冰呂氏春秋亦作獻鮮之通作獻亦
七月箋引作獻羔開冰呂氏春秋亦作獻鮮之通作獻亦
猶鮮之通作獻矣鮮訓別又斯之借字版無獨斯畏箋云
斯離也釋言亦云斯離也離卽別也墓門斧以斯之傳云
斯析也說文亦云斯析也析亦離也鮮與斯古字通用爾

雅釋詁鮮善也釋文鮮本或作誓沈云古斯字瓠葉有免
斯首箋云斯白也今俗語斯白之字作鮮齊魯之間聲近
斯釋文斯鄭作鮮音仙蓼莪鮮民之生卽斯民之生書無
逸惠鮮鰥寡卽惠斯鰥寡阮氏元說說文鮮魚名魯奚斯
字子魚斯爲鮮之假借金鶚說先君曰王赫斯怒箋云斯
盡也斯蓋鮮之假音易繫辭上傳君子之道鮮矣釋文鮮
悉淺反師說云盡也又云公劉篇于胥斯原斯原卽皇矣
之鮮原亦卽此章之熾原斯原合言之也陟則在熾復降
在原分言之也毛詩紉義曰魚鼈鮮魚鮮當讀如斯爾雅
釋言斯離也斯離其魚卽是作膾古文尙書撰異曰析支

大戴禮作解支古音斯與析同部同紐同義音斯亦作蘇
相如傳則生歲斯苞荔漢書矯作析鮮之雙聲轉讀同斯析是以說文之辭
讀若斯

與爾臨衝

臨衝閑閑

臨衝弗弗

蘊隆蟲蟲

與爾臨衝傳臨臨車也衝衝車也釋文臨如字韓詩作隆
衝案臨借字隆正字淮南子汜論訓隆衝以攻鹽鐵論衝
隆不足爲強字竝作隆雲漢篇蘊隆蟲蟲傳云隆隆而雷
漢書五行志沛城鐵官鑄錢鐵不下隆隆如雷聲楊雄傳
下隆隆者絕注隆隆雷聲也後漢書張衡傳豐隆軒其震
霆兮注豐隆雷也隆車取隆隆如雷聲之義後漢書袁紹

傳操乃發石車擊紹樓皆破軍中呼曰霹靂車注以其發石聲震烈諱爲霹靂卽今之拋車也隆車卽霹靂車之類霹靂亦靄也呂其聲如靄故亦謂之靄周禮職金注槍雷椎椁之屬釋文雷沈云當爲礪埤蒼礪推石自高而下也雲漢上帝不臨臨韻蟲宗躬司馬相如長門賦君曾不宥兮幸臨臨與宮韻皆讀爲隆臨古有隆音故毛詩段臨爲隆漢書地理志河內郡隆慮卽荀子臨慮後漢郡國志林慮

鹿濯濯 魚躍于淵

靈臺鹿濯濯傳濯濯娛樂遊也案娛樂也遊行也版傳游行也

濯濯卽躍躍之異文獸娛樂則跳躍而行故以娛遊釋躍
躍箋申之云鳥獸肥盛喜樂言得其所旱麓魚躍于淵箋
云魚跳躍於淵中喻民喜得所正義曰魚皆跳躍於淵中
而喜樂是躍有娛樂之意爾雅釋訓赫赫躍躍迅也釋文
躍余斫反樊本作濯引詩釋云濯濯厥靈是濯躍字通之
證濯卽下文於物魚躍之躍變文以爲韻故字作濯興化
孫王鉞云濯濯訓娛遊濯讀如逍遙之逍如梓人注濯讀
爲哨之比羔裘傳以逍遙爲遊燕白駒箋以逍遙爲遊息
文選南都賦注引韓詩章句逍遙爲遊也

於論鼓鍾 有倫有脊

於論鼓鍾傳論思也箋云論之言倫也於得其倫理乎鼓
與鍾也案論卽有倫有脊之倫彼傳云倫道也道亦理也
傳訓爲思者說文亼部侖思也侖部侖理也是思卽理也
傳箋蓋一義釋文論鄭音倫正義曰倫理之字宜爲倫故
曰論之言倫儀禮公食大夫禮倫膚也注今文倫或作論
荀子性惡篇少言則徑而省論而法注論或爲倫莊子齊
物論有倫有義釋文崔本作有論有議孟子憂心悄悄愠
于羣小孔子也注孔子論此詩焦循曰論與倫通中庸毛
猶有倫注倫比也謂孔子比擬此詩

於樂辟靡

鎬京辟靡

如圭如璧

圭璧旣卒

於樂辟靡傳云水旋丘如璧曰辟靡案毛讀辟爲璧與如圭如璧圭璧旣卒之璧同說文璧瑞玉圓也从王辟聲凡言辟靡皆璧之段音正義引韓詩說云辟靡者天子之學圓如璧壅之以水示圓言辟取辟有德不言辟水言辟靡者取其靡和也校勘記曰取辟有德辟當作璧又正義引盧植禮記注引圓之以水但辟故謂之辟靡校勘記曰圓之以水但辟闕本明監本毛本辟作璧所改是也古璧璧避譬闕璧髮辟霹皆借用辟史記宋世家子辟公辟兵立索隱曰紀年作桓侯璧兵

昭茲來許 飲御諸友

下武昭茲來許傳許進也案說文許訓聽言無進義訓進者御之段借字也小雅六月篇飲御諸友傳御進也說文御使馬也使馬有驅之前進之義故引仲之又訓進獨斷云御進也廣雅釋詁御進也國語晉語朱也當御注御進也周禮天官序官女御注御猶進也續漢書祭祀志注東平王蒼引詩正作昭哉來御當是三家詩用今文也許从午聲御从卸卸亦午聲故相通

適駿有聲適求厥甯適觀厥成 適追來孝 歲聿其

莫 歲聿其逝 我征聿至 聿脩厥德 聿懷多福

報我不述

文王有聲篇適駿有聲適求厥甯適觀厥成箋云適述駿
大求終觀多也文王有令聞之聲者乃述行有令聞之聲
之道所致也所述者大王王季也又述行終其安民之道
又述行多其成民之德適追來孝箋云乃述追王季勤孝
之行案說文辵部適回避也適無述意訓述乃聿之段借
聿卽筆也

說文楚謂之聿吳謂之不
律燕謂之弗秦謂之筆

筆所以著述故訓述

釋名筆述也是也文王聿脩厥德傳聿述大明聿懷多福
箋云聿述正義曰述行此道思得多福東山我征聿至箋
云我君子行役述其日月今且至矣述字正釋經之聿蟋
蟀歲聿其莫傳云聿遂遂讀與述同

鄭志荅張逸問述者
述其故事也述讀如

遂事不諫之遂春秋文十二年秦伯使術來聘公羊傳作遂禮記月令注術周禮作遂學記注術當爲遂此遂字通之明述循也循行也歲聿其莫謂歲循行至於莫也或證也

以聿爲語詞失傳意矣適聿古字通用適追來孝禮記禮器後漢書李固傳魏志明帝紀注竝引作聿追來孝楚茨神保聿歸宋書樂志作神保適歸縣聿來宵宇箋聿自正義曰聿自釋詁文今釋詁作適自抑正義引爾雅亦作聿自皆其證或曰適聿訓述卽述之段借釋文適尹橘反又音述召顛釋文適音聿又音述書康誥祗適乃文考釋文適音聿又音述釋詁適自也釋文適孫云古述字讀聿釋言適述也釋文適古述字釋訓不適不蹟也釋文適古述

字一音聿聿脩厥德漢書東平思王宇傳後漢書呂強傳
聿作述是適聿述並通用日月報我不述傳述循也

王公伊濯

濯征徐國

倬彼雲漢

賦樸雲漢

倬彼昊天

王公伊濯傳濯大常武濯征徐國傳同案濯乃倬之假借
說文倬訓箸大械樸傳倬大也桑柔箋倬明大貌雲漢疏
倬然而明大卓聲濯聲古相通晉書音義上棹亦權字廣
韻二十三效棹重文作權是其例

豐水有芑

集于苞杞

言采其杞

杞杜北山

隰有杞棘

豐水有芑傳芑草也案禮記表記引此詩鄭注芑枸櫞也
正義曰芑枸櫞釋木文孫炎云則今枸芑也今釋木作杞

枸櫞四牡集于苞杞四月隰有杞棣傳竝曰杞枸櫞枸櫞
而謂之草者此有草木二種生山中皆木生水邊皆草故
爾雅入釋木廣雅入釋草正義以爲芑菜杜言采其杞
箋云杞非常菜也正義云我采其杞木之菜北山言采其
杞疏云我采其杞菜之葉蓋枸杞初生時可食故曰菜芑
菜卽杞菜非薄言采芑之芑菜也說文云菜草之可食者
毛以爲草孔以爲菜亦是一義芑與杞字通用山海經餘
峩之山其下多荆芑厯石之山其木多荆芑榮餘之山其
木多柳芑杞竝作芑左氏襄二十三年傳杞殖文選洞簫
賦注作芑梁殖云芑與杞同王風不流束蒲傳云蒲草也

箋云蒲蒲柳案柳生水傍幹細僅與蒲類故有蒲名既名
 為蒲即可以為草毛以蒲為草即指蒲柳而言箋申毛非
 改毛以蒲柳為草猶以枸櫞為草也先君詩說有云毛詩
 多草木有介乎草木之間可名以草亦可名以木者采杞
 苞杞杞楨皆枸櫞也爾雅枸櫞列釋木廣雅人之釋草曰
 地筋枸杞也枸乳苦杞也杞一从草作芭禮記引詩豐水
 有芭注芭枸櫞也毛傳則曰芭草也陸璣毛詩草木鳥獸
 蟲魚疏杞亦入草類云集于苞杞杞亦名苦杞玉樹案一
名苦杞上
 舊有其樹如樗四字毛晉津逮秘書本王謨漢魏叢書本
 苑同南山有臺釋文引陸疏亦有此四字邢昺爾雅疏無
 之案陸氏既以苞杞為草不當云其樹如樗杞雖有如樗
 一種陸氏所言則非觀於筮似莓子云云可知此四字非

陸氏
舊本

一名地骨

詩釋文引作一名狗骨

春生作蕤茹微苦其莖似莓

子秋熟正赤莖葉及子服之輕身益氣毛傳以芑爲草正
是此種蓋柯櫛生山中者榦大而高則木也生水邊者莖
柔而細則草也故毛公不以南山有杞山有杞棧陟彼北
山言采其杞之杞爲草而以豐水有芑之芑爲草也杞之
作芑正如四牡釋文柯櫛字亦作苟其物可草可木故其
字亦可草可木矣頰弁蕙與女蘿傳蕙寄生也釋文曰爾
雅云寓木宛童是也案陸疏以寄生入草類爾雅以寓木
入釋木廣雅釋草釋木兩收之釋草曰寄屑寄生也釋木
曰宛童寄生槁也蓋蕙本是草以其託根於木之上故亦

名之爲木蔦在說文艸部字亦从木作鳩矣毛傳曰女蘿
兔絲松蘿也爾雅釋草曰唐蒙女蘿女蘿兔絲廣雅釋草
曰女蘿松蘿也陸璣疏云女蘿今兔絲蔓連草上非松蘿
松蘿自蔓生松上神農本草松蘿一名女蘿在木部兔絲
亦名兔蘆在艸部是草木有二種類并釋文曰在草曰兔
絲在木曰松蘿蓋在草則草之在木則木之本草所絲區
別析言之則不同故陸疏兔絲松蘿分爲二也混言之則
無別故毛傳兔絲松蘿合爲一也詩言藟皆與葛並稱陸
疏云藟一名巨蕒似燕莫亦延蔓生葉如艾色白其子赤
可食酢而不美幽州謂之葍藟廣雅列之釋草曰藟藤也

爾雅列之釋木曰諸慮山楸楸虎楸木釋文藟木又作
梟說文艸部有藟云草也木部有藟云木也七月篇六月
食鬱及藟傳藟藟藟也說文艸部藟藟藟也廣雅釋草燕
藟藟舌也則藟固草矣正義云藟藟者亦是鬱類而小別
耳晉宮閣銘云華林園中有車下李三百一十四株藟李
一株車下李卽鬱藟李卽藟二者相類而同時熟觀於藟
李之名則藟又木矣隰有藟楚傳藟楚銚弋也說文艸部
爾雅釋草竝同毛傳廣雅釋草曰鬼桃銚弋羊桃也則藟
楚固草矣楚辭七諫云伐橘柚兮列樹苦桃王逸注苦桃
苦木洪興祖補注曰羊桃味苦邵晉涵爾雅正義曰因其

味苦謂之苦桃又山海經中山經曰豐山其木多羊桃狀如桃而方莖郭注一名鬼桃羊桃乃萋楚之異名而山海經以爲木則萋楚亦木矣廣韻十陽萋楚蔓生如桃蔓生則近草如桃則近木萋字从艸楚字从木合萋楚以爲之名則其物固介乎草木之間者也萋也萋也萋也萋楚也四者皆蔓生有幹蔓生則似草有幹則似木故草木之名未有定也太平御覽引毛詩提綱云萋一名燕萋藤唐本草注云燕萋自是千歲蘿案蘿但似燕萋耳若竟以爲一物則誤矣唐風椒聊之實蕃衍盈升傳椒聊椒也爾雅木草陸瓊疏皆列之木部說文木部椹似菜萋出淮南字从

木艸部云茱萸茱萸屬茱萸也茱萸實裏如裘也字皆
从艸茱卽椒字說文別無椒段玉裁曰椒實木也此沿自
古籀者析言則有草木之分統言則草亦木故造字有不
拘案段說非也文選景福殿賦注曹子建求道親親表注
引詩椒聊之實蔓延盈升是茱固有蔓生者神農本草云
蔓椒一名家椒生雲中川谷名醫別錄云蔓椒一名豬椒
一名蕪椒楚辭懷椒聊之葢葢兮王逸注椒聊香草也引
詩椒聊且說文茱字从艸正與此合廣雅釋木柅檉檉越
椒茱萸也檉一作菽檉一作蕪說文茱字詩箋作柅皆因
有草木兩種故耳鄭風顏如舜華傳舜華木槿也舜說文

作蕨引詩顏如蕨華蕨隸變作蕨俗又作檉木槿說文月
令釋草皆作木董許書列於艸部陸疏入之木類爾雅麗
之釋草而有椴椴之名字仍从木海外東經有蕨華草朝
生暮死郭注蕨或作董是亦以董爲草矣爲草爲木迄無
定名樊光曰其樹如李其華朝生暮死與草同氣故入草
中是亦調停之說而已南山有臺篇南山有栲栳栲栳
也陸璣疏云栲栳山木其狀如椴一名栲骨高大如白楊
所在山中皆有理白可爲函板說文木部栲栳木也可爲
檉史記漢書皆云栲栳禮記內則字作栲則栲同木矣玉
篇栲俱禹切其木可爲檉出蜀中亦作栲栳含南方草木

狀以蒟醬入草部而有萑茷之名云交趾人家多種蔓生
文選蜀都賦其園則有蒟蒻茷萑注蒟蒻醬也緣樹而生
其子如桑椹熟時正青長二三寸常璩華陽國志巴志云
果實之珍者樹有蒟枝蔓有辛蒟漢中志云邛竹蒟醬殊
方奇玩蜀志云荔枝薑蒟劉逵顧微宋祁謂蒟卽扶留藤
是蒟有蔓生者不盡高大如白楊故字亦从艸說文木部
有枸艸部有蒟段玉裁謂不能定而兩存之楊之水不流
東楚傳楚木也說文林部楚叢木一名荆也艸部荆楚木
也考詩於木曰伐於草曰刈說文又芟草也或从刀作刈
楚辭離騷願俟時乎吾將刈註刈穫也草曰刈吳語而又

刈亡之注芟草曰刈漢廣篇曰言刈其楚言刈其蕪則楚
是可刈之物當爲草矣儀禮士喪禮楚焯注楚荆也疏云
荆本是草之名是也說文荆正从艸唐本艸注子小而作
樹者曰牡荆子大而蔓生者曰蔓荆詩云刈楚蓋蔓荆也
此楚之可草可木也杞也葛也松蘿也藟也蕪也蕪楚也
椒也舜也枸也荆楚也十者皆介乎草木之間若周南之
采芣卽馬舄有謂爲西戎之木字亦作桴苴者先儒已辨
其不然矣